

明代傳記叢刊・學林類⑪
周駿富輯

明詩紀事 (三)

(清)陳田撰

明文書局印行

明詩紀事卷一

戊籤

楊慎五十九首

慎字用修，新都人，大學士廷和子。正德辛未，第一人及第，授修撰，以議禮杖謫永昌。天啟初，追諡文憲，有升菴集八十一卷，遺集二十六卷。

四庫總目：慎以博洽冠一時，其詩含吐六朝，於明代獨立門戶。

薛蕙考功集：升菴詩窮極詞章之綺麗，可以見其卓絕之才；牢籠戰籍之菁華，可以見其宏博之學。唐四傑不能過也。

升菴集：陸賈南中行紀云：南中百花，惟素馨香特酷烈。彼中女子，以採絲穿花心，繞髻爲飾。梁章隱詠素馨花詩云：細花穿羅縠，盤向綠雲鬟。用陸賈語。賞花繞髻之飾，至今猶然。予嘗有詩云：金碧佳人墮馬粧，鷓鴣林裏採秋芳。穿花買縵盤香雪，曾把風流贈陸郎。姜孟賓笑謂予曰：不謂陸賈風流之案，千年而始發耶。

藝苑卮言：楊用修詩如暴富兒郎，銅山金埒，不曉喫飯著衣，用修謫滇中有東山之癖，諸夷酋欲得其詩，輸不可，乃以繒白綾作絨，造諸伎服之，使酒間乞香，楊欣然命筆，醉墨淋漓，裾袖曾重賞伎女，購歸裝演成卷。楊後亦知之，便以爲快。用修在瀘州，嘗醉胡粉傅面，作雙丫髻，插花門生鼻之，諸伎捧觴遊行城市，了不爲作人，謂此君故自污非也。一措大裹絳衣，亦何所可忌，特是壯心不堪牢落，故耗磨之耳。

明詩紀事 戊籤 卷一

國雅楊修撰詩如錦城雪棧隱怪高峻

詩數楊用修洛不能高而清新綺縠獨擬六朝之秀合作自斐然如題柳七言律云垂楊垂柳館芳年飛絮飛花帽遠天金距
關雞寒食後玉蛾翻雪暖風前別離江上溼河上拋擲橋邊與路邊遊子魂銷青塞月美人腸斷翠樓煙風流蘊藉字字天成
如初發芙蓉鮮華莫比漢中作春興八首語亦多工

焦竑玉堂叢話正德丁丑歲武廟閱文獻通考天文星名有注張問欽天監不知爲何星也內使下問翰林院同館相視愕然
楊公慎曰注張柳星也周禮以注鳴者註注味也史記律書南方諸鳥七宿柳爲鳥之味也史記律書西至於注張漢書天文
志柳爲鳥喙內使以復同館戲曰子言誠辯且博矣不干私習天文之禁乎嘉靖初給事中張紳疏有番字鬼瑣四字上令問
內閣不知也慎取荀子非十二子篇以復梁文康歎曰用修之強記何必減蘇頌乎

續玉筍詩談升菴題唐僖宗行宮柱礎云唐帝行宮有露臺礎蓮幾度換春苔軍容再向鼙鼓狩王氣遙從駱谷來萬里山川
神駿老五更風雨杜鵑哀始知蜀道蒙塵駕不及胡僧度海杯礎今故在游太初爲予言寺僧令匠鑿而丹之乃知李文饒方
竹未嘗無對

明詩選宋韓文曰用修病在貪博故使事處往往求巧得拙要其天才本是奇麗如百寶流蘇陳臥子曰用修繁蔚之中時見
新警李舒章曰用修山光嵐翠金碧之中時見雲霞之潤

王士禪皇華記聞楊用修在滇製小扇與如升之形僅可容膝張愈光含題一聯其上云人到東京須氣節地當西晉且風流
所謂升菴者以此

齊祖筆記明詩至楊升菴真以六朝之才而兼六朝之學者其詩如詠柳垂楊垂柳館芳年一篇世共知之又古意浚波洛浦
遇陳王鶴鵲詞秦時明月玉弓懸關山月迢迢賤妾隔湘川出關擬唐人狼弧芒角正彎環塞下曲長榆塞上接龜沙諸篇工
妙天成不減前作又青蛉行寄內絕句亦絕妙大抵皆自古樂府出益都王遵坦太平論明詩獨推新都爲性之者亦自有見

明詩別裁。升菴以高明伉爽之才，宏博絕麗之學，隨題賦形，一空依傍，于李何諸子外，拔戟自成，一隊五言非其所長，以過於積靡，失穆如清風之旨也。

田按升菴詩，早歲醉心六朝，豔情麗曲，可謂絕世才華。晚乃漸入老蒼，有少陵調仙格調，亦間入東坡涪翁一派。前後七子，執盟驪壇，海內附和，翕翕成風。余採升菴、蘇門、君采、稚欽、鴻山、夢山、子安、少玄、數君子詩，次於李何之後。王李之前，別爲一集，以見豪傑能自樹立者，類不隨風會爲轉移也。

關嶺曲

關索嶺四十三盤高，前有安龍臂，行人莫辭勞。

禽言

勸君早歸，君歸恨不早。鐵橋銅柱靈山道，焚雲霧霧連晴昊。客頭未白心先老，歸恨不早。

游女行

東風春正韶，南浦美人嬌。下蔡君休問，上宮誰敢邀。折花斜寶珥，映水正金翹。娉婷惜未嫁，應待逐文簫。

梅花落

古梅飄古香，新梅綴新粧。那枝傳妾恨，何樹近君鄉。

峽東曲

白帝到江陵，一千二百里。欲試一日程，須待春水起。布帆一百尺，出自三梭織。風順早歸來，天際遙相識。

江陵別內

同上洞庭波。獨上西陵渡。孤棹泝寒流。天涯歲將暮。此際話離情。羈心忽自驚。佳期在何許。別恨轉難平。蕭條滇海曲。相思隔寒燠。薰風悲搖心。南露愁沾足。山高瘴癘多。鴻雁少經過。故園千萬里。夜夜夢煙蘿。和余懋忠青衣別後追寄之作

抽簪畫江沙。寫出腸斷詞。遙寄百里人。見君昨夜思。昨夜復今朝。百里又千里。歡遊坐成隔。乖離從此始。乖離渺何許。異國猶鄉土。雲從青衣來。月自峨眉吐。雲月兩悠悠。光景爲君留。因之託宵夢。遠到海西頭。送徐用先歸嘉州

客有歸歟嘆。言從隱者流。高議在青瑣。吾道付滄洲。滄洲多故人。夙昔諧幽賞。嘯歌丹崖邊。攜手紫霞上。壁津春水生。波浪動江城。岷嶺秋芳落。清音漢蘭若。亦知江湖憂。不廢登臨樂。迢迢結桂枝。望望阻相思。殷勤三歲字。惆悵四愁詩。伊予慕僊侶。睽離分晤語。何時峨眉雲。來作人間雨。

玉蟾寺

我問金鰲僧。誰名玉蟾寺。題自黃涪翁。苔蝕銀鉤字。佛住兜羅界。僧居琉璃地。絕頂似高秋。清涼失炎季。解鞍契夙心。橫枕諧幽思。岫幌雲勿扇。結夏期重至。

賦得烏龍山送安公石

亭亭烏龍峰。屹立九頂左。翠微壓洪濤。清音叩危壑。沈屏星渚幽。浮健雪涔安。風雲徑路通。烟霞巖洞鎖。若人富奇遊。茲山近燕坐。弭節入仙源。心賞忘旅疴。迢迢海月期。蘿蘿江花朵。日下遲來音。天際候歸舸。

題唐人閨秀熨帛圖

碧梧葉落紅閨晚。玫玷敲月催金翦。重重海簾銀蒜垂。曲曲山屏阜羅展。廣儲懸月月初臨。綈幕染霜霜已深。禁痒銖衣圍夜玉。蜨蛾寶髻辟寒金。雲母箱闥同心鎖。鉛鉅香浮九微火。秦篝齊縷鬬紛華。蜀錦吳綾分婀娜。熨帛申繒憶遠行。遙遙夜夜不勝情。百層姜住垂花鵲。萬里君居碎葉城。垂花碎葉音塵隔。春去秋來感行迹。深閨心斷結蠶書。絕塞眼穿無雁帛。明燭蘭膏照獨眠。蛾眉曼淥爲誰妍。試看裴羽相思夕。何似徐吾共續年。

題夏仲昭竹寄陶良伯驥

太常胸次瀟湘寬。少年愛寫生琅玕。白頭藝苑更入妙。筆法遠追王孟端。兩家名藻雄吳下。品題未覺風流亞。一紙能令百世傳。兩竿不啻雙金價。人言畫竹非畫工。草書結構將無同。誰家高堂名寶繪。徐熙花鳥迷青紅。主人佳興松江東。寄圖索賦隨長風。遙知把玩清香裏。正是相思月明中。

射虎圖爲箬溪都憲題

錢選好手工白描。粉墨丹青色阻喪。細觀逸迹迥不俗。氣骨深穩形蕭放。中丞此圖開似我。行行遊獵極

殊狀。漢家昔日李將軍。生射猛獸天下聞。彎弓半夜沒白羽。飛鞍晴晝生黃雲。今之圖畫無乃是。披卷似覺陰風起。積雪慘淡長白山。草木蒼乾松漠間。將軍身乘大宛馬。從騎亦是驍雄者。合圍射虎虎帶箭。相持不肯遽相下。虎鬪馬驟兩若飛。咆吼欲震長平瓦。東海黃公魯卞莊。裴旻舞劍相頡頏。古來英英者數子。繪事簡冊傳芬芳。何物少陵愁杜甫。短衣南山思射虎。老驥伏櫪悲鳴苦。壯士哀歌淚如雨。天狼煌芒直威弧。安得此輩西滅胡。卻走馬蹄報神都。爲獻單于款塞圖。

高曉曉發過演

碧雞關頭月上霞。高曉海色分人家。菱塘眠柳猶藏鴉。雙雙柔櫓聲啞啞。船尾風輕浪不花。轉盼已屆演之涯。

交河令行贈袁子變

袁侯出宰古交河。銅章墨綬雜雕戈。黃雲高闕芳菲少。紫塞長城氛祲多。桑榆陰入嬾姚幕。絃誦音諧敔勒歌。公主琵琶玉連環。將軍驍裊金盤陀。袁侯雕龍且韜豹。白羽指揮坐中譟。阮瑀軍書王粲詩。魯連飛箭劉琨嘯。始信扶顛籌策長。赫赫威棱動北荒。虎鈴帳外關山月。燕寢香中鼓角霜。君不見隆州虞允文。海鱸船破百萬軍。又不見巴渝甘興霸。江表虎臣雄吳下。古來文武道本同。樽俎笑談能折衝。六鈞弓與一丁字。讞言悠悠非至公。

觀打魚

石梁水落天波澄。漁人放獺如放鷹。編笥作航來往便。往似飛梭來似箭。蛟潭無極龍堂幽。江空獺似漁人愁。漁人愁。河魴喜。清江一曲孤煙起。

河橋篇寄用貞懋昭

渾河流水桑乾潮。何年伐石架長橋。玄鼉窟近填烏鵲。滄海波平上赤霄。尋源知近遠。浩浩鴻流滿。平連太液池。迴接昆明苑。帝里神皋紫氣中。天江析木銀潢通。澗瀍卜落應相並。灞滻朝宗詎可同。星傳雲桂下城闕。電逝颿馳交翼越。橋外車音響若雷。橋畔闌干明似月。可憐楊柳裊晴煙。才見藏鴉又噪蟬。東西溝水分歧路。南北煙霜感歲年。沈璜使者辭芳甸。聯璧才人遙出錢。別浦晴沙漾縠紋。回澍秋濤收組練。飛蓋臨風緩去旌。青門落日彩霞生。懸知濯錦江邊夢。轉見蘆溝河上情。

送客還西江

武昌楊柳荊州麥。楚江春色催行色。萬里遙憐左蠡人。十年同作南溟客。烏柏門前紫荇莊。歸來養拙更何鄉。鬱金美酒盈千斛。藥玉新筠醉幾場。

江樓曲送祝鳴和

江上樓。高枕錦江流。雲霞連劍閣。煙樹出刀州。登樓送君秋色裏。旌旗影落清波水。眺望應隨斗牛遙。嘯

歌直感魚龍起。江樓高。江思遠。闌干曲曲山宛宛。雁湖寒。牛渚晚。石頭城。如在眼。王人過家朝玉京。離筵一餉惜離情。別來定有相思賦。好寄同聲慰友生。

月溪曲爲晉甯張太守賦

青天行月溪行水。水月相去八萬里。龍宮閭象巧能移。月行翻向清溪底。月溪主人家在涪江濱。襟懷洒落意清真。金波影裏流金篆。玉練光中臥玉輪。月溪子。君不聞。一月普現一切水。一切水月一月攝。洞鑒虛明有如此。又不見東坡赤壁水月賦。太白青天問月歌。二仙仙去去不返。廣寒宮闕高嵯峨。今夕復何夕。逢君螳螂河。舉頭見明月。正照金叵羅。持斧邀吳剛。開篷納嫦娥。殺卻蝦蟆綠烟滅。斫卻桂樹清光多。共言銀燭未須秉。不飲如此良夜何。仙舟歸來仍我過。解紅輓舞柘枝僮。主人踉蹌客逃席。起看江月墜江波。君家侍立小童清似玉。劈牋泥我醉寫月溪曲。

東坡先生守湖州。遊道場山。命官奴秉燭寫風雨竹一枝於壁。題詩其上。至正間吳仲珪有臨本。少

岷丈藏之。慎作長歌。

東坡老守湖山暇。南國清遊繼顏謝。舟楫行供茗雪吟。烟雲坐入瀟湘畫。越人翠被雨波寒。官奴綿麗歌聲殘。揮毫寫出風中態。掀筆猶疑掌上看。琅玕落紙珠生睡。畫絕名緣詩寡和。未論品價重三都。先有風流傾四座。仙翁一去幾春秋。江光清徹魚龍收。珮環夜冷黃州夢。簫韶天遠蒼梧愁。梅逕何人深慕蘭。欲

從手軸傳心印。交藻葳蕤。賸逼真。筆端飛動唐臨晉。玉雪曾郎瘦竹姿。青門別我滄州期。滄州吏隱丹霞想。想見珊瑚拂水枝。

送譚汝賢之常德

子昔逍遙龍門之橋。子乘五馬蜻蛉之野。龍橋爲別。蛉野見夢。境分明。速流電。忽漫相逢。復語離。澧蘭沅芷。楚芳時。後期相期。未有期。長風長寄長相思。

題趙東臺落伯畫汪方伯周潭圖

青嶂插雕梁。白波吹粉壁。周潭之景在咫尺。斷崖章偃樹。橫靄郭熙山。東臺之筆縹緲間。我雖不善畫。鑒畫莫如我。籠煙渲水墨如金。苦心獨識良工。頗詩興長。凝燕寢香。真遊遙寄洪濤杙。船虹貫月棟飛雲。犀潭龍綾如絨鎖。

春江曲

時女玩春翹。新梅發遠條。風香隨步步。雲彩豔朝朝。悵望迷晴浦。音書候晚潮。玉輪江上水。心斷木蘭桡。趙龍巖少參。載酒過普賢寺。還舟同醉賦此。

鷺寺敞初筵。鷗波送酒泉。沈陰迷卜晝。爛醉忘回船。別夢昆明水。離心蜀國弦。側身東望處。高誼屬雲天。李文瑞自金沙窮源至。

使者尋源至。將軍上隴回。江流通沫若。雲氣自昂峽。古樹枕櫛出。殘花苜蓿開。關山有明月。今夜近香臺。

留別三池

垂老復生離。相思天一涯。四愁憐遠道。五噫感明時。樹繞青衣國。花深黑水祠。從茲萬里去。莫遣雁書遲。

贈玉蟾僧

山是岷峨派。峰如岫嶺尖。仙遊還駐鶴。僧號亦栖蟾。蘿月懸天鏡。松風襲暮襜。有詩休疥壁。徒爲葛藤添。

辰州留別王文濟

五峰蟠五溪。愁望跼低低。三巴接三峽。客淚聽猿啼。夢繞浮雲北。身遙落日西。歸期無歲月。春草又萋萋。

琴姬

離筵良夜如何。張女清琴當歌。商聲若出金石。楚奏渾非綺羅。浮雲柳絮無蒂。明月桂華有波。伯牙意在山水。湘靈休鼓雲和。

十六日丙寅雲頂山寺

昨暝靈燈淨土。茲晨廣濟盤陀。三百六十飛陞。八萬四千牽波。灌頂涼生甘露。妙聖雲結兜羅。何處松濤清轉。似聞魚山梵歌。

春興

諸葛提兵大渡津。河流禹鑿迥如新。彩雲城郭那無迹。黑水波濤亦有神。象馬遠來銅柱貢。犬羊不動鐵橋塵。靈關在眼平於掌。歲歲蒲桃首宿春。

謁二忠祠

學士文章謁日月。尙書劍履上星辰。九原松柏香臺夜。雙廟莓苔影坐春。山鬼嘯歌寧薜荔。海童奔走薦芳蘋。經過此地同揮淚。況是江潭放逐臣。

見梅花

一辭青瑣滄江臥。山城三見梅花破。正愛家家臨水開。還愁樹樹和烟墮。清樽欲醉不成歡。雪調空歌誰與和。小院回廊日又斜。高樓短笛風前過。

弔孟拾遺

駱谷鸞輿再播移。橫流滄海廣明時。刑餘周召田中令。地下逢干孟拾遺。赤水探珠迷象罔。青霄蝕月任羸頤。懷沙沈石何曾問。帳殿毳宮總不知。

病中秋懷

迢遞城西百尺樓。登茲銷暑亦銷憂。江山平遠難爲畫。雲物高寒易得秋。吉甫清風來玉麈。涪翁妙墨換銀鉤。餘甘渡口斜陽外。竊迺漁歌雜棹謳。

百梅亭

綠萼紅跗映碧瀧。山香水調換新腔。翰林風月三千首。樂府鴛鴦七十雙。陳開臨春森玉樹。漢宮不夜爛金缸。梨雲梨雪都成夢。桃葉桃根枉渡江。

次雲樓上公韻五月十九日魚池雅會

環衢窈窕錦亭東。珍樹留春綴繡紅。烏度屏風青嶂裏。魚窺明鏡碧瀾中。賓筵鄰下詩篇盛。軍次漁陽鼓角雄。獨有白頭虛授簡。梁園應愧長卿工。

冬夜宿羅漢寺

霜林金碧迷青紅。木葉蕭蕭澄遠空。長湖洲渚亂吞吐。上方樓殿森玲瓏。廊僧暝汲怯寒溜。舟子夜語驚天風。朝曦照檻堪一望。羨爾冥冥高遶鴻。

秦始皇陵

埽旦金星白晝懸。似傷鶉首剪秦川。俄傳江璧神徂日。誰見鈞天夢帝年。借問茅焦歷井幹。何如徐福泛樓船。烏錐三月咸陽火。還是書坑竹帛煙。

平山橋離夕贈任直夫

平山橋畔水沄沄。隄楊風裊陌草薰。綠蟻行觴九闌醞。青驪出餞五花文。遙夢直挂嶺南月。離歌不散江

東雲誰言千里非絕國。已覺黯然銷別魂。

春晴

曉枕忽聞黃鳥歌。起看芳草紛成窩。梨花杏花風信早。晴雲雨雲春態多。青絲玉壺銀鑿落。紅韁寶鉸金盤陀。駘蕩神皋足游衍。其奈文園病渴何。

雨阻太華之遊中宿華亭寺釋智充山樓

信宿零雨不肯歇。咫尺太華那可登。平湖粘天波杳渺。長林籠霧寒淩淩。山樓暝榻對漁火。野竈晨炊分佛燈。皋橋酒家幸相近。徑欲取醉酣騰騰。

春泛滇海至小孤浪山

海藻海花春競鮮。東流東風新泛船。雜英芳甸漢皋珮。虛籟聲林湘國絃。菰蒲叢叢綠堪把。檉柳枝枝青可憐。茗芋不共習池醉。觸忤良爲羈思牽。

十一月十三日雪

飛雪正應大雪節。明年復是豐年期。山城豺虎戶且閉。水國龜鼉舟懶移。竹葉金樽慣貰酒。梅花玉樹工撩詩。擁爐熾炭坐深夜。笑看燈前兒女嬉。

觀妙亭新梅始放花月夜獨酌

餞臘迓春梅。有期繁苞不駛。亦不遲。分梢已出月右脇。抽箭忽橫參左旗。倚牀三弄競筠琯。夾門一條爭柳姿。陶潛詩梅樹夾門雙雙遏雲付清嘯。九九消寒須泛卮。

蘇祠懷古

眉山學士百代豪。夜郎謫仙兩爭高。岷峨凌雲接天藻。江漢流湯驅硯濤。虎豹虬龍自登踞。鱣鱖狐狸休舞號。井絡鍾靈竟誰繼。海若望洋增我勞。

有贈

添聲楊柳葉。唐裴誠有添聲楊柳詞減字木蘭花。不學東山傅。哀箏惱鬢華。

草堂寺

劫毀樂巴火。碑失周顒字。試問坐禪僧。猶記梁朝寺。

卽事

蘋末清風起。涼生近水樓。盈盈樓上女。齊唱楚江秋。

松隱菴

松菴饒古松。露鬣交雲尾。蘿徑少行人。日暮嘯山鬼。

楚江曲

巫山花已紅。楚水波新綠。兩兩浣紗人。照影闌粧束。

王子淵祠

煒燁靈芝發秀翹。子淵摘藻挾天朝。漢皇不賞賢臣頌。只教宮人詠洞簫。

竹枝詞

紅粧女伴碧江濱。蓮草花簪茜草裙。西舍東鄰同夜燭。吹笙打鼓賽朝雲。
無義灘頭風浪收。黃雲開處見黃牛。白波一道青峰裏。聽盡猿聲是峽州。

詠史

月仗雲門五彩毳。御前爭賭最先籌。須臾贏得西川印。便脫青衣擁碧油。

于役江鄉歸經板橋

千里長征不憚遙。解鞍明日問歸橈。真如謝朓宣城路。南浦新林過板橋。

居易錄。李侍讀源村。漢行日記。載板橋驛。驛壁有題句云云。甚有風調。不知誰作。按此升庵詩也。漢程記云。楊林遠板橋。號三亭。第六亭。

無題

青雀銜花向海東。非烟如黛掃晴空。小喬嫁後風情減。曾見新粧亞水紅。